

宣講引證

卷十二

幼丹沈葆楨題箋




題箋

風陵文庫


文庫19

F142

12









F0142-(12)

宣講引證十二

舉 人林 啓校對

前浙江總捕分府高福康校正

宣 講 生戴 奎編輯

第十五條

聯保甲以弭盜賊釋義

聯連也。廣雅釋詁猶合也。周禮大司徒注保守也。詩崧都邑之城曰

保。禮記月令注周禮五比為閭使之相保。大司徒注甲乙謂相次

也。後漢書注四井為邑。四邑為甲。公羊成元年注弭止也。詩馮水傳

宣講引證十二



○明李本作彌彌讀曰竊賄為盜。左文十害良曰賊。荀  
弭左傳弭兵亦曰彌兵。八年傳。害良曰賊。子  
周禮六職五曰刑職。以除盜賊。小宰○右錄金筴。颺言

會典。凡保甲之法。給印單書其姓名習業。出注所  
往人稽所來。十戶為牌。立牌長。十牌為甲。立甲長。十甲  
為保。立保長。自城市達於邨鄉。使相董率。遵約法察姦  
宥勸熾行。善則相共。舉則相及。以安保息之政。  
聚族百人以上者。保甲之外。兼立族長。以司稽察。其近  
京屯莊及江海採捕漁船。並熟苗熟獮次第編排。治以  
保甲之法。同前

聯保甲以弭盜賊廣訓衍引證

萬歲爺的意思說。從古以來。要教你們百姓安靜。全在甯息  
賊盜。這甯息賊盜的法子。必須預先準備。所以拿住盜  
賊的有賞。放了盜賊的有罰。諱盜賊不報的有例。禁拿  
盜賊違限的有明條。這裏頭最好的是保甲一法。怎麼  
叫做保甲呢。十家人家為一甲。一甲立一箇甲長。十箇  
甲為一保。一保立一箇保正。設立下箇簿子。凡來往居  
住的人都互相察問。一家失事。九家連坐。這箇就是古  
來守望相助的制度了。



引每區公立一長聽自設一底冊冊在民而不在官不與戶口冊同無論老幼良賤在家客外俱登其上區長司之區中又隨親屬居處之便人或二三十或四五十復分畫為連連有正設一小冊除老六十以上幼十五以下有廢疾者不列其餘皆列連正司之每人名下直書作何事業無生業則衣食何所自出定為奸作盜也為註無生業三字于冊賭博亦書于冊限一月復歸業一月不改連正送區長註大冊再月不改區長送約送縣如律治明金文毅聲友助事宜

村莊居民一甲至數十甲若無統屬則呼應不靈應設一保長以統屬各甲或村莊止有一甲將附近村莊甲長聯成一處公舉一賢能保長料理地方各甲長花名交付保長保長將各甲合總報官以憑稽察于清端成龍畿輔弭盜條約保甲宜簡明核實也向來舉行保甲多屬虛文戶冊則臚列空名不分良歹門牌則隨手填寫虛應故事互結則人疑慮不肯承當僅于冊上虛填保正甲長名色無怪地方不收實效也今本縣歷各鄉舉行保



甲團練鄉約之法。要在簡而易行。使你等樂于從事。易於辦理。其法每村設立約長甲長。大村七八人中。村五六人。小村二三人。孤村則歸入附近大村之中。辦理該約長等訂紙簿一本。開明本村一戶某處人。作某生理。祖父某名。伯叔某名。子姪某名。孫某名。雇工人某名。不分土客。不論良歹。不拘單身孤寡。一齊照式開列簿中。於一村共信之好人。則註公保二字。其素不安分形跡可疑之人。則不註公保二字。詳悉造齊持送公所。本縣逐一查閱。算計某村若干家。即

面給門牌若干張。交與約長分給各家張挂。其簿內未註明公保者。本縣存記在心。另為稽查辦理。賀縣保甲規條

所以

聖祖仁皇帝說這一句。要想叫普天下的百姓們人人無事。箇箇相安。須先把盜賊的出沒去處徹底根究。以清來源。這意思最周全。最懇切。

引每內區執牌時行譏察。有容留區外人住宿。甚或異鄉人借宿者。必查問是何事幹的。確明白無弊。仍為



註冊某月某日某人爲某事幹來此住宿一夜。至于游食乞丐三五成羣。遊方僧道術數可怪之人。立地驅逐。若覺有弊。卽時拘守其人。分報約長查究。明文毅詰生

面規條

但恐這箇法子行來已久。未免虛應故事。官府們不過止查戶口冊籍。百姓們不過空設一個門牌。至于聯絡村坊。稽察盜賊的法子。總不見實心奉行。以至勾引奸人窩藏賊犯。種種弊端都有了。

引各區內連正別設一小粉牌。除老幼及客外者不列。

其餘皆列於每人名下。註用某器械。一家被盜。本家鳴鑼。則本村執器械先出救護。各村鳴鑼。則各村執器械齊出救護。但護救鄰村之法。于每連內仍分爲兩班。留一班居守本村要地。防禦截殺。以一班赴救。期望互爲更換。預先分定。每聞傳鑼聲響。人人並起。赴各連正聚集。不得亂隊。俟連正照牌點驗。有一名不出者。連正率一連之人。至其家問何故不出。送區長議罰。強不服罰者。區送約。約邀各區長共送官。卽以黨賊究。若全不在家者。卽以賊究。明金文毅聲友助事宜



卽如你們鄰舍街坊裏頭。明知某人是賊。卻不肯報官。這是甚麼緣故呢。大概有三件事。一件是地方官原無實心待民。只顧自己的功名。平日最怕盜案連累他的考成。若有失主報箇大盜竊盜。卻不去拿賊。先把失主究問箇不了。縱然替你拿住了賊。起了贓。卻把失主累的苦死了。所以被竊的人家。竟不敢報。倒像啞子喫苦黃連。苦在心裏。你想失了事的。尙且不敢報。何況別人了。

引凡我居民聽我勸諭。目下歲饑盜起。却不商量一箇擒拏盜賊保護身家性命的方法。只要聽信小人故意搖惑喧傳的虛聲了。先自家慌作一團。把婦女衣物糧食頭畜亂行遷移逃避。無論貧民乘機搶奪。只說爲甚麼便輕易離了鄉井。今有一法。只是四箇字。叫做大家齊心。從今大家立誓。日日整頓器械。操演弓箭槍刀神槍火礮等件。才是備禦事體。小人虛張聲勢。捏造謠言。正要我們亂動。他好搶掠。略有識見的。怎肯墮他術中。若是大家齊心守護。大家齊心救援。大家齊心擒捉。看他如何搶掠。俗語云。強龍怎敵



地頭蛇。我們土著居民。道路熟便。他們就是強壯。道路生疎。終怕我們四面圍捉。若家家相扶持。村村相聯絡。遇一賊來。便都出門。大家齊心向前。難說賊頭都是好漢。他馬是沿路搶的人。是沿路擄的。真正賊徒不多。古語道得好。射人先射馬。擒賊先擒王。只用百十箇好漢。手拏百十條棗棍。打他馬腿。馬倒了。箇箇成擒。如賊到街衢。兩旁只暗用絆馬索。絆他馬。如何敢走。若搶入人家居住。如前日某村擄掠財物。汚辱婦女光景。就該捨了幾間房子。一把火燒箇罄盡。

若在村鎮外屯住。晚間暗堆積草。周圍放火。不怕他不勦滅。何故只聽虛聲。便都逃躲。讓路讓屋。讓酒飯。與他骨肉折散。親戚飄零。家業被搶。妻子遭辱。就中自守的。反保全無恙。豈不是勇敢當先者。可護身家性命。而慌怯逃避者。反辱身喪家之一。明驗哉。如今道院父母。為地方費盡心力。募兵請兵。護守城池。催督我們團練鄉勇。且懸重賞。我們大家齊心奮勇。保固一方。奏聞九重。名留千古。至一切功令賞罰。公祖父母。自有不測之妙用也。先以此約轉相勸告。明呂司寇



坤鄉兵  
勸諭

有的說道。他縱然住在左鄰右舍。一時閒那裏就犯事。破案。不過我們各自留心。他不被他偷去。就是了。若報他到官。官府不上緊究處。倒與他結下冤仇。所以官府取結。大家就朦混具了結去。只說本甲並無盜賊。就完了一場事。一件是地方上的無賴小人。慣做窩家。那捕役人等多靠著盜賊做衣食飯碗。坐地分贓。立心蓋護。所以言盜賊就無影無蹤。總拿不著的。若百姓們得知出首。就有這種人知風報信。得錢賣放了。

引城市鄉村遵照保甲之法。加謹隄防。僅可自守。但三吳之地。四通八達。江海湖泖之盜。倏忽聚散。莫能蹤跡。須專委耆民。分方緝捕。乃為有益。各掌印官選擇殷實行止。慣經捕盜之人數名。互相保結。填給文帖。先為耆民分畫信地。往來巡緝。如遇盜賊生發。督同保長甲長人等。併力擒拏。解問從重犒賞。捕獲真正強盜十名以上者。給與門匾。三十名以上者。查照領兵耆民事規。給與冠帶。以示優異。若有失事。及在各該地方生事騷擾。妄拏平人。連名保甲之人一體從



重問遣先將舉過者民姓名分過信地呈報查考鄭明

若曾開陽  
江南經畧

一件是百姓們偷懶怕事。本甲明明有賊。倒說他兔兒不喫窠邊草。他在別處偷摸。不害我們。就罷了。何苦去出首他。甚至有怕他蔽做窩家。不敢報的。買他些便宜賊贓。不肯報的。圖他些大酒肥肉。不肯報的。有這些緣故。所以保甲都無實效。

引 小民比屋而居。貧富貴賤。雖各不同。總以四至衢巷。分為一方。本方之中。推年尊而眾服者一人為方司。擇公

而有力者二人為方保。有心勤力壯。上善承值官府。下善探訪民情者二人為方甲。能舉百鈞手。開力弓者六人為方率。此八人者。各有代耕之祿。願充者聽司保得。以役屬之。本方奸細之有無。丁壯之多寡。身家之貧富。責令司保人等從公確報。如小心奉法。則有優賞。若清查人戶之時。或受賄賣免。或乘機報復。或借端索詐。一有此等情弊。即許被害之人。指名呈官。審實定以軍法從事。當時梟首示眾。如有誣告。亦即反坐。向時里老則用龍鍾老疾之人。保甲則用貧窮尪羸之



輩欲清奸而奸不清。欲核戶而戶不核。且此坊掌連彼坊。牙錯絲棼。難爲清理。毋怪乎法屢行而輒阻也。若如予逐段分方之法行之。則每方之中。不過數十家。每家之中。不過數人。出入閭里。朝夕相見。卽其人之面貌。姓氏。尙可一見而決。至于孰良孰奸。孰貧孰富。自不可得而掩矣。一值兵荒之日。卽以本方之富而賑其本方之貧。則數少易給。不以難繼爲憂。因以本方之貧而僱于本方之富。以計功受值。不以冒食爲愧。卽有罷癘殘疾。老弱婦女。安坐白食。數亦無幾。富者亦可作功德想。而

不必屑屑計之矣。

明周鑑臺公金湯十二籌

鄰舍家失了事。全不理論。竟像陌路人一般。若是有錢的人家。被了盜。反說他平日閒一毛不拔的。怎麼今日也叫人偷了許多的東西去呢。這是天報應他呢。還有最不堪的。是州縣的刑房捕快。與那督捕委員。箇箇假公行私。借盤查的名頭。生各樣的需索。動不動就弄錢。造冊子要錢。貼門牌要錢。點甲長保正要錢。竟是非錢不行。這不是防護百姓。倒是騷擾百姓了。如此行去。是只有保甲的虛名。並無保甲的實事。但受保甲的波累。



並不見保甲的好處。所以盜賊一日多是一日。地方上就不得甯靜哩。

證嘉靖癸未。山東盜王堂起。議調邊兵。崔銑著論曰。國家有漢之全盛。無其強。無宋之苟安。類其弱。蓋由士業章句。登仕太易。鮮知經世之學。官多牽制。遷代太數。不予專斷之權。弛而莫支。莫甚于兵。舊制縣僉民壯。卽古土兵。近年增減靡定。多以傭奴充之。使之擒賊。如驅羊入屠門也。宜制大縣四五百人。次三百人。又次二百人。兩戶釀出一人。分爲兩班。揀拔悍勁。操

習武事。登其材武者爲隊長。直者守城。緝盜休者力田樹桑。平居稽察逋。衰小警團練。以守夫民貧爲小盜。應倡而聚。然後大。每鄉嚴則縣靖。縣靖則府靖。推之天下皆然。大司馬彭公如銑策奏行。王堂平。明崔銑揀

你看保甲一法原是極好的法子。務須實心實力的奉行。纔有好處。

引萬一白晝有盜公行。或流言警報。各區嚴備。鎮定以待。無亂吾鄉村落。星布碁置。相爲犄角。卽古之營壁。



莫是過也。今江北流寇殘破數處，皆因無備。今既有備，以靜待動，以逸待勞，以熟地待生人，以子捍父，以弟捍兄，僕從捍主人，親戚捍親戚之兵，待無賴不義烏合萍結之眾，如摧枯拉朽耳。但要時存戒心，次第修備，小費而大全，願諸父老及諸大眾相與力行之。約束申明之後，其有倡言惑眾，故張賊勢，以便作奸私率妻子先為逃遁者，是非亂黨，亦為罷民。一人敗羣，為害滋大。無事送官枷責，有事定以賊黨論刑。明文毅聲友助事宜

以後城市鄉村嚴行保甲，每處各自分保，每保各統十甲。城市上按著各坊名分保，鄉村裏排著各圖名派甲挨家挨戶彼此防閑。

引鄉兵者，鄉自為兵，共守一鄉，不隸于官者也。官兵領糧，憑官調遣，聽主將統率，方可策應殺賊。四鄉離城寫遠，賊來先被搶掠，就使官兵出城迎戰，未免逗留。時日況官兵那有許多，只好防守城池，安能一時四鄉策應。目今盜賊蜂起，我們鄉村不自家齊心保守，只望官兵勦賊，恐官兵未到而身家性命已難保矣。



爲今之計。我們鄉村約于五六里內可聯爲一社者。大家立誓同心自相約束。臨陣大家齊心。能鼓勇爭先。殺奪賊人首級財物者。大家湊禮稱賀。記姓名功績于冊。稟官旌賞。臨陣立腳不定。先自退逃者。記姓名退逃于冊。仍追銀入官公用。眾人稱賀有功之人。時還著他跪送酒食以示辱。兵至五百立一勇敢當先。信義孚眾者爲正。四人爲副。營兵若干俱聽約束。指揮用鼓八面。聞鼓則進。用鑼八面。聞鑼則止。相機施行。不可違誤。

明呂司寇坤約束篇

但凡一甲裏邊大戶人家使用的家人。並佃戶們就有幾百口。這裏頭人的好歹。本家自己承當。至于小村莊上人家最少。其間有產業。沒產業。那箇好。那個歹。甲長保正平日閒。再沒有一箇看不出來的。他們出來進去。再沒有箇查訪不出來的。

引盤詰宜嚴。以防假冒也。查賊匪未至之前。多扮行商。僧道差役營兵。或妝作文武員弁。或假作難民乞丐。探視虛實。或大隊不能得手。業已繞過卡倫。復假扮尾追官兵。鄉勇混入砦柵。或令我兵下砦。諭話往往



中其奸計。若長等最宜防備。如有此等人來。若務須盤問來歷。須驗明切實。憑據確係官兵鄉勇。方可准其入砦。龔太守篇

也不但見他做賊做强盜。方纔報官。但凡做賊。必定有箇窩家。別處的賊。窩在此處。偷這邊的人家。此處的賊。又去窩在別處。偷那邊的人家。再沒有遠處的賊。沒有窩家。隔著許多路來扒牆頭挖壁洞偷東西去的。少不得白日裏躲在窩主家裏。到夜間出來下手。這些賭場烟盤並那娼婦人家。正是他們出沒的所在。你們各保

甲中不論紳衿兵民一體都編入牌內。一甲內的人大家互相稽察。

引清戶牌稽察法

稽縣籍者何。辨流寓也。稽生理者何。辨游民也。稽職役者何。辨貴賤也。稽田產者何。辨貧富也。稽銀數者何。防欺隱也。稽六親者何。防介特也。稽鄰舍者何。嚴保結也。稽丁男者何。便差役也。稽口數者何。計廩給也。節錄金湯十二等

到晚來就問某人在家不在家。某人家有甚麼人往來。



若是夜裏不在家的人說不出甚麼緣故的。定是出去做賊的。甲長就報保正。保正就報官府。就是那不務行業。不安本分的。三箇一羣。五箇一隊。喫酒賭錢。鬪雞走狗。夜聚曉散的人。以及來歷不明。蹤跡可疑的人。都立刻舉報出來。斷不容留在甲內。一來免得失事。二來免得拖累。

引鄉守之法。貴乎聯絡聲勢。固結人心。故并小村入大村。聯眾志為同志。其道主于合也。惟此法獨主于分。蓋人煙稠密之處。姦宄易藏。分方之法行。則良莠別。

而煩蹟理矣。故不合則勢。換而難收。不分則事。冗而無緒。兩者宜互相為用也。錄此為鄉鎮富庶者之式。

鄉守外編輯要

那不學好的人。他也不能叫你去查察。或你見他人多。或他恃強不服。你們怕他的勢大。猶恐弄出別樣事來。不妨密稟官府。自然處治他。就是空闊地方。冷靜所在。熱鬧深密的人家。都容易藏躲奸匪的。你們更要留心覺察。處處搜尋。至于你們汛地上的兵丁。務必黑夜白日上緊的巡查。



引吾里桑麻被野。村徑百歧。苟守備一嚴。則寇盜無所措足。除嚴定守望外。再于水陸塘橋去處。樹柵爲守。日輪三人看護。每村各劃地段。用更夫二名。曉夜巡視。皆于十家中輪值。用私錢雇者聽。張海珊湖濱禦備事宜引操舟強劫之徒。得以肆行無忌者。總緣水面四通八達。劫奪之後。揚帆而去。絕無攔阻之故也。按大江以南之官河。水勢甚平。俱建有跨塘橋梁。遠者十餘里。近者數里不等。今酌定凡係官河大路橋梁之下。俱應設立堅固水柵。責令本地方保甲長輪派該地方

甲內之人專司啓閉。每夜定更時分。卽將柵欄閉鎖。甲長鳴鑼傳喚。過往船隻灣泊汛墩處所。敲梆巡警。至天明方許放行。其戊亥子丑寅時。不許片帆行走。如各船已泊近汛墩。而仍被賊劫者。必係汛兵通同。應報官拏究。又如有外來之船。除緊急軍務。兵餉等差。許守柵人查明。果有前途營汛護送。及照驗憑據者。始準放行。其餘一切船隻。俱令停泊。仍報明保甲長盤詰。前柵擅行放走情由。次甲報官挨究。如本柵私自放行者。亦聽下柵報官查究。至于各處支河小



港路口俱應建設水柵。責令該保甲居民輪流看管。晨昏啓閉。凡禁約事宜。一如前例。其有紆流僻汊。如果為商民船隻所不經由。確係盜賊出沒之間道。該地方官據實詳明本部院立椿釘塞。若水面寬闊。為椿柵所不能施者。應關會該營汛量撥兵船。不時往來游巡。加意偵防。均毋故違。于清端成龍兩江匪盜條約要路上搭些窩鋪。巷口上設立柵門。有錢的人出些錢。無錢的人出些力。引民自為守。貧富不同。量貧富各出資力。以保障鄉邦。

不至于失散。其為功德至大。而自已之身家。藉眾力以保護。不致全為拋業。而齎盜糧。為已為人。交受其利。是在互相勸諭耳。檀明府萃禦賊議

引保甲之法。原為保安富戶起見。一切冊報往來之費。既不能取給公帑。若按戶科派。即貧民不能不受其累。地方官宜勸各鄉殷實富戶。捐貲輸公。即于本鄉設局存貯。公議公正首事司其出入會計。以備領牌報冊。及修理寨柵公事車馬之費。其有給賞。亦出于此。收貯開銷。皆聽本鄉經管地方官一切不問。張編修惠



言論保甲  
事例書

引兵荒交警。貧富百姓。自宜有無相通。然而不肯捐助。分文者。無非欲全享其富厚也。不知饑寒百姓。死亡切身。甘心應賊。導為剽掠。則洞房曲室。非已所有。賊得焚之。朱提白鏹。非已所有。賊得捲之。粉白黛綠。嬌妻美妾。非已所有。賊得淫之。牽衣執袂。桂子蘭孫。非已所有。賊得戕之。肢體髮膚。併非已有。刀俎惟賊。截解惟賊。祖宗邱墓。並非已有。發掘惟賊。剖戮惟賊。皆繇不能散財之故耳。石州張鄉宦家。與廬鳳諸郡縣。

各鄉宦家。可為萬古千年悔恨之鬼矣。予所以苦口勸輸者。正為富貴之家。保全性命計也。豈區區勸有餘補不足已哉。周鑑臺公勸富本意

每窩鋪擺一兩杆鎗。每巷口設一面鑼。買些燈油。點的明亮。起更以後。禁止夜行。有犯夜的。拘留到天明。纔許放行。他若恃蠻。就稟官究問。有相幫用强的。就是賊黨。一並送官。

引除驛馬以外。卽官路及各區私路。自一更以後。人不得行。其釣蝦蟆及捕蟋蟀。皆嚴帖禁絕。凡約內一更。



後獲得行人。即以賊論。至于徽俗。每因遊神賽會。定有請猖之舉。白晝自可。何苦夜行。先告明公祖父母。嚴示禁絕。猶不遵者。經過約內。即以賊殺。若暮夜演戲。尤為盜招。以後凡我同約。即或演戲。以上午起。至下午止。不得至夜。如于夜演者。共罰銀五兩。節錄金文毅禁夜行規

一聞有賊。便敲起鑼來。處處救應。邀截迫拿。殺死者。次日報官驗明掩埋。擒獲者。照例給賞。引柵欄為鄉村匪盜善制。自今農隙。正宜及時修理。各

甲長公訂一簿。輪流派撥。某日某人幾名。看守柵欄。某人幾名。值日查夜。登記簿內。偶遇盜警。本村放礮。鳴鐘擊鑼。大家救護。如堵禦。不能入柵。行劫者。巡夜同守柵欄人等。報明地方官。各賞紅布五尺。如已入柵。力能救護。不致失事者。巡夜守柵人等。報官各賞紅布一丈。如當場打死擒獲盜賊者。巡夜守柵人等。各賞紅布一疋。倘先事不能知覺。臨時不肯救援。以致賊盜入柵。劫去財物。拷傷失主者。鄰右並巡夜守柵人等。一併究治。敢隱諱不報者。十家以通賊論。



于清端直隸  
彈盜條約

切不可借端生事闖禍。切不可挾仇陷害平人。

引人有膽有藝。用之于殺賊。則爲義士。用之于爭鬪。則亂民也。卽遇不平等事。必不可忍。下有約眾。可解。上有公祖父母。可鳴。奈何私鬪。如有此等。除用兵器及傷人者。官司如律擬究。卽聚眾拳棒相加。此風亦不可漸長。定公舉郡縣。公請重刑。仍請枷示。明金文毅切不可受賊的贓。賣放了要犯。切不可顧了情分。不好意舉報他。必須要協力同心。輪流分派。大家都要上前。

怕賊盜躲到那裏去麼。這盜賊沒了藏身的地方。村坊就無事了。兵丁百姓都享安樂之福了。

引教百姓以孝弟忠信。鼓動親上死長的肝腸。並習以武藝行陣。練熟護身殺賊的妙法。鄉間村夫。本不知兵。未免驚詫推諉。況無官長催督。誰肯帖然遵依。我想人雖村野。那箇沒有好勝爭強的念頭。如今被賊搶掠家資。淫掠婦女。何故讓他通不與他賭鬪。只因平日不曾習得護身殺賊的真武藝。真本事。一見賊先自膽怯。常言道。藝高人膽大。可見真武藝真本事。



是你們安身立命的實在受用。何待上人督催。然後習學哉。今各齊集本村有名鄉兵。自行立會。弓弩槍棒火器陣法。件件自相比試。或攢銀錢。或攢酒肉。如賭博取勝的一般。人人爭勝。自然件件高強。然後這村與那村比試。互相賭賽。如此而村村爭勝。自然有好漢出來。至臨敵之時。擒捉得勝。官府又有獎賞。比那無益賭博。豈不便宜百倍。或問攢銀錢。攢酒食。那有許多費用。試問平昔賭博。極無益。極犯法之事。如何便不惜費。此乃保全身家性命。極有益。極守法之

事。反惜費乎。往年賽神時。兩社爭強。窮家小戶。無不竭力出錢。此徒求福于冥冥之中。不可必得之數也。人倒樂意施財。今于真本事。立刻見效。大獲保全之福利事。反吝惜而不為哉。節錄呂司寇鄉兵救命書

古來拏賊的方法。有一箇村莊。就立一座樓。樓上設一面鼓。一家有了事。就把鼓敲起來。便家家戶戶都起來。將各巷口要路都截住。把守了。賊盜往那裏逃去。哩。這是出兵的要法。就行到保甲裏邊了。

引望樓宜堅固也。查新設望樓。多係木支茅蓋。倘夜間



被盜砍倒木柱。關係非小。際此冬令農務已畢。速即  
改造。用土磚砌成四柱。上用瓦蓋。中用木板。于四柱  
之內。開一門樓。用樓梯上下。值夜者預備火刀火石  
煤筒。以便臨時取火放礮。賀縣團練規條

各村附近總要路口。及相離村莊較近之山徑河汊  
阨要處。所限十日內。建立望樓。以便瞭望。如係大村  
及路徑分歧所在。造二三座。中村一二座。小村一座。

劉觀察衛團練章程

望樓每座壯丁八名。至少亦須六名。夜間上樓支更

巡邏。五日一換。輪流更替。以均勞逸。日則仍各執農  
工業。不致曠廢。同前

望樓置備銅鑼一面。螺角一箇。甚各居民鋪戶每家  
各置銅鑼一面。如實係貧窘無力。則改用竹梆亦可。  
同前

遇有盜匪來村。即在望樓上鳴鑼吹角。其鑼以隨手  
連擊不斷為號。本村各戶壯丁。立即鳴鑼接應。其鑼  
亦以隨手連擊不斷為號。各壯丁明火持械飛出救  
援。同前



遇有盜警之附近各望樓各村各戶一聞連擊不斷  
 鑼聲立即鳴鑼接應其鑼以連擊五聲為號各壯丁  
 明火持械飛赴鑼聲連擊不斷之村莊救援同前  
 遇有盜警較遠之各望樓各村各戶一聞五聲鑼響  
 立即鳴鑼接應其鑼以連擊三聲為號各壯丁明火  
 持械飛赴五聲鑼處以次至鑼聲不斷處之村莊救  
 援同前  
 按本縣設立議團之法通縣十八里中相度形勢或  
 十餘村為一團或數十村為一團每團設立約長管

理團練之事其團內大小村寨各設極高望樓一座  
 大村二三樓中村一二樓小村一樓孤村則附入相  
 近大村辦理每村輪派二人擊梆巡查望樓之上安  
 設地雷礮三箇強盜入村放礮三聲鄰村及塘汛一  
 聞礮響即刻放礮援應聞得三聲礮響知是強盜即  
 在望樓放礮三聲接應村中各家聞礮齊起執持器  
 械出村四路圍截一見大夥強盜攜贓逃走伏在暗  
 處用木棍取下三路向賊人腰腳橫打隨打隨縛公  
 同送官按名賞給花紅銀兩拒捕者登時格殺勿論



或生擒。或格殺。俱查點名數。立刻當堂賞給。至于竊賊。只可擒送。不許擅殺。如此辦理。則一村礮響。眾村環應。頃刻之間。聲聞數十里。集眾數千人。賊匪心驚膽落。何敢橫行。賀縣團練規條

若是大江大海盜賊的出沒無常。行不來這保甲法。必須將船隻聯做一處。走呢一處。同住以一處。同住彼此稽查賊盜也難隱匿了。

引一沿江沿湖小船。宜挨編字號。設連環保結法。查楚省江河渡駁。江划小船。與茅蓬船隻。此等船戶。皆窮

苦無賴之徒。或係沿江沿湖附近村莊。或係四處混聚。未知來歷。亦無牙埠約束。黃昏深夜。巧以捕魚為名。乘空即將過客行舟。逞志截劫。塘汎地方。因其捕魚不便拏緝。甚有竊劫鄉村。盜已獲而無窩家。借船以為巢穴。如臣屬江夏縣之八吉堡地方。素稱盜藪。其故皆由附近村莊。多以捕魚為業。家設划船茅蓬。借名為匪。礙難查緝。臣因飭行將八吉堡一切小船。編聯字號。兩旁烙印。取五船互結。一船為匪。四船同罪。每晚點查明白。方許放行。現在行之兩月。頗覺有



效臣因推廣其法。請將南北兩省沿江近湖地方一切小船。逐一清查。各歸就近隄岸。彼此認保。每十船具一連環保結。挨次編號。遇晚令其務在本埠一處灣泊。其有別埠別號混入者。卽行查逐。每船船戶不得過二人。取魚器具。止許帶罾網等類。其又魚鐵鋼。叉打魚之棍棒等物。概行查禁。均責令就近典史。巡檢塘汛兵丁。不時清查。併令每十號船內自行首報。匪類免罪。如平日已經認保。及後爲匪。又通同徇隱。不行首出一船犯事。十船連坐。如此則所有小船。彼

此自相察覺。亦弭盜之一法也。

邁制府柱編查漁船保甲法

強盜劫掠財物。必須用船裝載。人贓易于掩藏。而江海湖泖。利于脫避。如鎮江之丹徒壩。丹陽之七里橋。金壇之大浦口。武進之孟河口。無錫之西定橋。江陰之黃田夏港。宜興之東西二汎。靖江之蟛蜞港。太倉之牛角尖。長洲之澱山湖。吳縣之太湖。吳江之震澤。溪崑山之巴城湖。常熟之白茆港。嘉定之東柵橋。華亭之朱涇。上海之閘港等處。凡港口通于江海湖泖。盜可出沒者。各于隘處置立木柵。有巡司官兵者著



官兵其餘著令附近殷實者民主之以時啓閉遇有人船可疑者盤驗明白方許放行夜則鎖閉撥人看守致有疎虞罪坐所由如敢需索留難事發究譴此于商販不無稽程之怨然禁彼夜行實所以全其利也果使賊船不得往來地方受益不既多乎

明鄭若曾開陽

江南

明嘉靖間閩之漳泉浙之溫處傍海依山者多以築寨堡得完嘗取而論之海賊所恃銃礮能至百十步外而不能擊洞重垣築堡之法外用瓦石砌成其中

築土四五尺可遮蔽銃礮一利也賊匪乘夜縱火就僻村柵寮潛縱一炬居民紛紛驚竄既房屋皆在堡內火無所施二利也鄉居四散形勢單弱難以守望相助有堡以聚之則多者數百戶少亦數十家比廬聚族聲勢雄壯保甲團練之法均可就堡施行三利也散地難守禦有堡可憑則聞警荷戈登陴數十百人分布敷足四利也民間糧食牲畜俱納于內堡長堡副以時稽察買賣交易耳目眾多不能潛行接濟之奸五利也鄉間村落相度地勢相為犄角一堡有



警各堡互應。或用邀截。或行夾攻。六利也。取土之處。挖成深壕。則堡成。而壕具。壕旁密栽棘刺。叢竹之類。一二年後。棘刺叢生。是生成鹿角。蒺藜。七利也。惟愚民可樂成。難慮始。鄉人吝工費。人無遠慮。必有近憂。明示利害。俾令曉然于心。地方官勸諭獎勵。富者賞。貧者出出力。則一二年間。環海一帶。星羅棋布。聲聯絡。足勢資捍禦矣。嚴方伯沿海團練說

總之都要實心奉行。預先做下準備。方好。  
崇禎四年七月。賊點鐙子自秦入晉。犯沁水縣。縣東

北有寶莊。故張忠烈公銓里居也。先是銓父尙書五典。謂天下將亂。築牆為堡。甚堅。至是五典已沒。銓子道濬。道濟。官京師。賊至。眾議棄去。銓妻霍氏語其幼子道澄曰。避賊而居家不保。出而遇賊。身不保。等死。死于家。不愈死于野乎。躬率僮僕守賊環攻之。堡中矢石並發。傷賊甚眾。四日退。冀北道王肇生表之曰。夫人城。鄉守外編輯要

若是虛應故事。人愈懶了。賊盜又多了。人家的財物。又被賊偷去了。



證洪雅西四十里有鄉曰花溪。背枕飛仙閣。其前大小關山屏峙溪口。其外限以青衣江。其地土泉肥衍。饒錢穀。甲申獻賊至。士人余飛聚眾詢之曰。賊來生乎。死乎。曰。死。順賊榮乎。辱乎。曰。辱。逃可免乎。曰。不預知。曰。如是。飛策決矣。乃刑牲瀝酒。誓眾于神。曰。我等與賊義不兩全。有一人從賊者。殺其人。有一家從賊者。殺其家。誓畢。戶抽壯勇。年二十及四十者。得數千人。塞阨保險。造刀仗。鳥銃。疊大石數十。繫長繩。備飛擊之用。賊至。飛選勇士伏左右山谷中。山岡徧樹。

旗幟及決水堰之水灌田。而自以羸弱迎敵。溪口時賊氣銳甚。戰方合。飛卽佯北。賊追逐入溪。左右伏發。翼而擊之。飛反戈衝突。賊大敗。顧望山間。旗幟疑不敢上。沿田蹊走徑狹。騎卒蜂擁。陷田中。不能出。擒斬二千。人其遁者。爲鳥銃飛石所斃。又過半。賊氣沮喪。遠徙去。飛退賊後。益修險阨。寇來則戰。去則耕。如是者二年。余飛守花溪鄉傳

咳一家有事九家都要連累。不但辜負了

萬歲爺的盛心。也不是你們保全身家的善策。你們兵民都



宣  
卷十二

要曉得喲

--	--	--

毛



